

















分類補註李太白詩卷之四

長洲許自昌元祐甫校

樂府

關山月

士贇曰關山月者樂府鼓角橫吹十五曲之一也王褒詩云無復漢地關山月

明月出天山蒼茫雲海間長風幾萬里吹度玉門關

齊賢曰吳氏語錄曰太白詩如明月出天山蒼茫雲海間長風幾萬里吹度玉門關皆氣蓋一世學者能熟味之自不褊淺矣天山在唐西州交河郡天山縣宗慤曰願乘長風破萬里浪緩聲歌曰長風萬里舉玉門關在唐沙州敦煌郡壽昌縣西北天山至玉門關不為太遠而曰幾萬里者以月如出於天山至玉門以天山為度也士贇曰漢書霍去病遂至祈連山顏師古曰即天山匈奴呼為祈連蒼茫雲海見一卷註

李詩補注

卷四

一





漢西域傳西域以孝武時始通本三十六國其後稍分至五十餘皆在匈奴之西烏孫之南南北有大山中央有河東則接漢隄以玉門陽關西則限漢下白以葱嶺其南山東出金城與漢南山屬焉

登道胡窺青海灣由來征戰地不見有人還

齊賢曰史記韓

王信降匈奴引兵至晉陽城下高祖往擊之先至平城步兵未盡到冒頓四十萬騎圍高祖於白登七日徐廣注平城在鴈門唐書哥舒翰築城青海上吐蕃攻破之移築龍駒鼻吐蕃不敢近青海隋西域傳吐谷渾城在青海西十五里士贊曰括地志云朔州定襄縣本漢平城縣東北三十里有白登山山上有臺名曰白登臺漢書匈奴傳云冒頓圍高帝於白登七日即此也服虔云白登臺名去平城七里嚴助傳曰天子之兵有征無戰

戍客望邊色思歸多苦顏高樓當此夜嘆

息未應閑

齊賢曰恨賦曰遷客海上流戍隴陰曹子建七哀詩明月照高樓流光正徘徊上有



愁思婦悲嘆有餘哀邑一作色開一作還士贊曰史  
漢高紀士卒皆歌思東歸曹植詩盛年處房室中夜  
起長嘆潘岳詩撫琴長嘆息

獨漉篇

士贊曰獨漉篇即拂舞歌五曲中之獨  
祿篇也特太白集中祿字作漉字其間

命意造辭亦模倣規擬特古詞爲父報仇太白  
則爲國雪耻耳今錄古詞于題下曰獨獨祿祿  
水深泥濁泥濁尚可水深殺我嗃嗃雙鴈遊戲  
田畔我欲射鴈念子孤散翻上浮萍得風遙輕  
我心何合與之同并空床低幃誰知無人夜衣  
錦繡誰別偽真刀鳴削中倚床無施父冤不報  
欲活何爲

獨漉水中泥水濁不見月不見月尚可水深行人沒  
越鳥從南來胡鴈亦北渡我欲灣弓向天射惜其中



道失歸路

齊賢曰晉志獨漉篇曰獨獨祿祿水深泥濁泥濁尚可水深殺我漉盧谷切古詩越

鳥巢南枝士贊曰曹植詩妾若濁水泥孟子越人閑弓而射之左思吳都賦暗鳴則灣弓阮籍詩黃鵠遊

四海中路

落葉別樹飄零隨風客無所托悲與此同

羅幃舒卷似有人開明月直入無心可猜

齊賢曰傳玄詩落葉

隨風摧謝惠連雪賦曰從風飄零蘇子由曰李太白詩過人其平生所享如浮花浪葉其詩曰羅幃卷舒

似有人開明月直入無心可猜不可及士贊曰宋玉風賦璚子羅帷經于洞房鮑照詩羅帳空卷舒鮑照

詩願隨明月入君懷左傳曰耦俱無猜

雄劍挂壁時時龍鳴不斷犀象

繡澀苔生國耻未雪何由成名

齊賢曰列士傳曰眉問尺者眉間闢一尺

楚人干將鏌邪之子楚王夫人嘗於夏納涼而抱鐵柱心有所感遂懷孕產一鐵楚王命鏌邪鑄為雙劍



三年乃成劍一雌一雄鏐邪雷雄而以雌進楚王劍  
在匣中常悲鳴王問羣臣對曰劍有雌雄鳴者雌憶  
其雄主怒收鏐邪殺之眉間尺因殺楚王王子淵頌  
口水斷蛟龍陸剗犀兕士贊曰王子年拾遺記顯項  
高陽氏有畫影劍騰空劍若四方有兵此劍則飛赴  
指其方則尅未用時在匣中常如龍虎吟鮑照詩雙  
劍將別離先在匣中鳴雌沈吳江裏雄飛入楚城世  
語曹植七啓曰步光之劍陸斷犀象未足稱雋唐太  
宗詩曰雪耻酬百神鷹夢澤不顧鴟爲爲君一擊鵬  
王除兇報千古  
搏九天齊賢曰左傳楚子田于江南雲夢許慎注淮  
南子曰九天八方中央也士贊曰幽冥錄昔  
文王少時雅好畋獵天下快狗名鷹畢聚焉有人獻  
一鷹曰非王鷹之儔王見其殊常故爲獵於雲夢之  
澤毛羣羽族爭噬共搏此鷹獨瞪目遠瞻俄而雲際  
有一物翱翔飄飄鮮白而不辨其形鷹見之便竦翮  
而升矗若飛電須臾羽墮如雪血洒如雨良久有一  
大鳥墮地而死度其兩翅廣數十里喙邊有黃衆莫



能知時有博物君子曰此大鵬雛也文王乃厚賞之  
此詩比興之意謂士之用世則當為國雪耻立大功  
以成名猶神鷹之不顧凡鳥而但擊九天之鵬也

登高丘而望遠海

士贊曰此題樂錄及解題並無前聞大白此詩不過引秦

王漢武巡海求仙之事以通諷諫耳

登高丘望遠海六鰲骨已霜三山流安在

齊賢曰魏文帝十五

歌曰登山而遠望列子五山一曰岱輿二負嶠三方壺四瀛洲五蓬萊其根無所連著隨潮波上下帝命巨鰲十五舉首戴之五山始峙而不動龍伯之國有大人舉足不盈數步而暨五山之所一釣而連六鰲於是岱輿負嶠二山流於北極汎扶桑半摧折白日於大海仙聖之播遷者巨億萬計  
沉光彩齊賢曰十洲記扶桑在碧海中士贊曰山海經曰大荒之中易谷上有扶桑十曰所浴九日



居下枝一曰居上枝皆戴白而淮南子曰出於陽  
於咸池拂于扶桑是謂晨明登于扶桑爰將始行  
謂朏明王粲賦曰白日忽其西  
匿江淹賦曰日下壁而沉彩  
銀臺金闕如夢中秦

# 皇漢武空相待

齊賢曰郭景純遊仙詩神仙排雲出

方丈蓬萊瀛洲此三神山者神仙及不死之藥皆在  
而黃金白銀爲宮闕未至望之如雲士贇曰東方朔  
十洲記鍾山在北海子地土有金臺玉闕亦元氣之  
所舍天地之治處也史始皇本紀齊人徐市等上書  
言海中有三神山蓬萊方丈瀛洲仙人居之請得齋  
戒童男女求之於是遣徐市發童男女數千人入海  
求仙人史孝武本紀李少君言於上曰祠竈則致物  
而丹砂可化爲黃金黃金成以爲飲食器則益壽益  
壽而海中蓬萊仙者可見見之以封禪則不死黃帝  
是也臣嘗遊海上見安期生食巨棗大如瓜安期生  
仙者通蓬萊中合則見人不合則隱於是天子始親  
祠竈而遣方士入海求蓬萊安期生之屬居久之求



蓬萊安期生莫能得而海上燕齊精衛費木石鼃鼃怪迂之方士多相效更言神事矣

無所憑

齊賢曰博物志有鳥如鳥之首白喙赤足名曰精衛昔赤帝之女名女姪遊東海溺死其

神化為精衛常取西山木石以填東海士贊曰紀年周穆王三十七年征伐大起九師東至九江叱鼃鼃以為梁江淹恨賦秦皇按劍諸侯西馳削平天下同文共規方駕鼃鼃以為梁巡海右以送日太白詩蓋祖江淹君不見驪山茂陵盡灰滅牧羊之子來攀登

盜賊劫寶玉精靈竟何能

齊賢曰始皇葬驪山漢武葬茂陵劉向傳曰始皇冢

見發其後牧兒亡羊羊入其鑿牧者持火求羊失火燒其藏櫛漢高紀項羽掘始皇冢收其財典論曰喪亂以來漢氏諸陵無不發掘至乃燒取王柙金鏤張孟陽七哀詩珠柙離玉體珍寶見剽虜士贊曰史本紀二世皇帝九月葬始皇驪山始皇初卽位穿治驪



而致棹宮觀百姓奇器珍怪徙藏滿之漢武帝建元二年置茂陵邑後葬茂陵虞世南諫山陵厚葬書曰漢氏之法人君在位三分天下貢賦以一分入山陵武帝歷年長久比葬陵中不復容物霍光暗於大體奢侈過度其後至更始之敗赤眉賊入長安破茂陵取物猶不能盡漢劉向諫厚葬疏始皇葬於驪山之阿下錮三泉上崇三墳其高十丈周回五里有餘石棹爲游館人膏爲燈燭水銀爲江海黃金爲鳬鴈珍寶之藏機械之變棺棹之麗宮館之盛不可勝厚又多殺宮人生埋工匠計以萬數驪山之作未成而周章百萬之師至其下矣項籍燔其宮室瑩宇往往咸見發掘其後牧兒亡羊入其鑿牧者持火照求羊失火燒其藏棹自古及今葬未有盛如始皇者也數窮年之間外被項籍之災內罹牧豎之禍豈不哀哉窮兵黷武今如此鼎湖飛龍安可乘齊賢曰黃帝鑄鼎於湖邊因名鼎湖鼎成乘龍上天士贊曰荀悅漢紀論曰武帝窮兵極武百姓空竭鼎湖飛龍黃帝事見三卷注張衡西京



賦曰想升龍於鼎湖豈時俗之足慕此言二君窮兵黷武如此若黃帝之上仙安可得也唐明皇亦好神仙喜邊功者此詩其有所諷

陽春歌

士贇曰歌錄陽春歌楚曲也卽時景二十五曲之一

長安白日照春空綠楊結煙垂裏風披香殿前花始

紅流芳發色繡戶中

齊賢曰西京賦後宮則有蘭林披香士贇曰班固西都賦曰後

宮則有掖庭椒房披香發越漣云長安有披香殿曹植洛神賦曰步蘅薄而流芳潘岳詩流芳未及歇鮑照詩曰文牕繡戶中相經過飛燕皇后輕身舞紫宮

入人絕世歌聖君三萬六千日歲歲年年奈樂何

齊賢

曰西京賦正紫宮於未央漢書李延年故倡也女弟



年侍上起舞歌曰北方有佳人絕佳而獨立一顧傾人城再顧傾人國不知傾城與傾國佳人難再得上嘆曰世豈有此人乎平陽王因言有女弟上召見之實妙麗善舞由是得幸生昌邑王（士贇曰）西京雜記漢孝成皇后趙飛燕體輕弱行步進退色如紅玉擅寵後宮漢書趙飛燕體輕能掌上舞張衡西京賦曰正紫宮於未央

楊叛兒

（士贇曰）樂錄楊叛兒亦曰西曲楊叛兒本童謠也齊隆昌時女巫之子曰楊旻

隨母入內及長爲太后所寵愛童謠云楊婆兒共戲來語訛轉婆爲叛也

君歌楊叛兒妾勸新豐酒

（齊賢曰）九域志新豐故驪戎國在京兆府（士贇曰）西

京雜記）太上皇徙長安居深宮悽愴不樂高祖竊因左右問其故以平生所好皆屠販少年酤酒賣餅鬪雞蹴踘以此爲懽今皆無此故以不樂高祖乃作新豐移諸故人實之太上皇乃悅故新豐多無賴無衣



冠子弟故也高祖少時常祭枌榆之社及移新豐亦  
還立焉高祖既作新豐并移舊社衢巷棟宇物色惟  
舊士女老幼相攜路首各知其室放犬羊雞鴨於通  
途亦競識其家其匠人胡寬所營也移者皆悅其似  
而德之故競加賞何許最關人烏啼白門柳烏啼隱  
贈月餘致累百金

楊花君醉留妾家博山爐中沈香火雙煙一氣凌紫

霞

齊賢曰魏志張邈傳呂布自稱徐州刺史太祖征  
布布與麾下登白門樓兵圍急乃下降卽此地阮

嗣宗詩

良辰在何許古楊叛曲暫出白門前楊柳可

藏鳥懼

作沉水香濃作博山爐漢故事諸王出閨則

賜博山

香爐呂大臨考古圖曰爐象海中博山下盤

貯湯使

潤氣蒸香象海之四環士贊曰西京雜記長

安巧工

丁緩者作九層博山香爐鏤以奇禽

怪獸皆

自然能動陸機詩曰輕舉乘紫霞

雙燕離

士贊曰琴操三十六  
離由中有雙燕離



雙燕復雙燕雙飛令人羨玉樓珠閣不獨棲金牕繡

戶長相見士贇曰鮑照詩雙燕戲雲崖江淹詩願寄雙飛燕選詩願為雙飛燕銜泥巢君屋東

方朔十洲記崑崙山上有玉樓十二鮑照詩文牕繡戶垂羅幕魏伯陽參同契曰雄不獨處雌不孤居

柏梁失火去因入吳王宮吳宮又焚蕩離盡巢亦空

齊賢曰漢元鼎二年作柏梁臺師古曰三輔舊事云以香柏為之太初元年柏梁臺災虞氏家記吳白門

闔廬作至秦始皇守宮吏燭燕窟失火燒宮而此樓故有士贇曰柏梁臺災師古曰天火曰災吳宮燕見

三卷憔悴一身在孀雌憶故雄雙飛難再得傷我寸

注

心中齊賢曰謝靈運詩革雌戀舊侶南史王整之姊嫁為衛敬瑜妻年十六而敬瑜亡誓不嫁所住

戶有燕巢常雙飛來去後忽孤飛女感其偏棲乃以縷繫脚為識後歲此燕果來猶帶前縷女為詩曰昔

李詩甫主 卷二



年無偶去今春猶獨歸故人恩既重不忍復雙飛士  
贊曰逸詩云無棄樵悴淮南子曰童子不孤寡婦不  
孀高誘曰寡婦曰孀漢李延年詩佳人難再得謝靈  
運詩寸心若不亮毛詩我心憂傷此篇其太白自嘆  
之作乎首四句是喻其待詔金盞得幸時也栢梁失  
火去喻遭讒於還時也中三句喻從永王璘璘敗以  
累遭責時也末四句是白嗟嘆之語謂於逐之餘思  
君而不得再見安得不為之傷心乎吁亦可哀也已

山人勸酒

士贊曰樂府觴酌七  
曲其一曰山人勸酒

蒼蒼雲松落落綺皓

十贊曰曹植詩山樹鬱蒼蒼劉  
公幹詩珍木鬱蒼蒼左思詩落

落窮巷士綺皓乃商山四皓之綺里季也高士傳四  
皓見秦政虐乃逃入藍田山作歌曰漠漠高山深谷  
逶迤曄曄紫芝可以療飢唐虞世遠吾將安歸駟馬  
高蓋其憂甚大富貴之留人不如貧賤而肆志乃共  
入商洛山以奉風雨來為可佳胡蝶忽然滿芳草秀



眉霜雪顏桃花骨青髓綠長美好稱是秦時避世人

勸酒相歡不知老

士贊曰張景陽詩曰借問此何時胡蝶飛南園楚辭何所獨無芳草

今葛洪神仙傳伯山甫在華山精思服餌不老以藥

與外生女服時年七十稍稍還少色如桃花阮籍詩

曰自非王子晉誰能長美好莊子曰避世之士論語

曰不知老之將至陶潛詩丈夫志四海我願不知老

各守麋鹿志恥隨龍虎爭歛起佐太子漢王乃復驚

顧謂戚夫人彼翁羽翼成

齊賢曰史留侯世家上欲廢太子立戚夫人子趙王

如意呂后恐留侯為畫策曰此難以口舌爭也顧上

不能致者天下有四人逃匿山中義不為漢臣然上

高此四人今公誠能令太子為書卑辭安車固請來

以為客時時從入朝今上見之則一助也於是呂后

令呂澤使人奉太子書卑辭厚禮迎此四人四人至

客建威侯所十二年上從擊破布軍歸疾益甚愈欲



易太子及燕置酒太子侍四人從太子年皆八十有餘鬚眉皓白衣冠甚偉上怪之問曰彼何爲者四人前對各言名姓曰東園公角里先生綺里季夏黃公上大驚曰吾求公數歲公逃避我今公何自從吾兒遊乎四人皆曰陛下輕士善罵臣等義不受辱故恐而忘匿竊聞太子爲人仁孝恭敬愛上天下莫不延頸欲爲太子死者故臣等來上曰煩公幸卒調護太子四人爲壽已畢趨去上目送之召戚夫人指示四人者曰我欲易之彼四人輔之羽翼已成難動搖矣呂后真而主矣戚夫人泣上曰爲我楚舞吾爲若楚歌歌曰鴻鵠高飛一舉千里羽翮已就橫絕四海橫絕四海當可奈何雖有矰繳尚安所施歌數闋戚夫人噓唏流涕上起去罷酒竟不易太子留侯木招此四人之力也士贊曰孟子舜居深山之中與鹿豕遊高士傳山巨源舉嵇康自代康曰譬猶禽鹿少見馴育則服教從制長而見羈雖飾以金鑣饗以嘉肴愈思長林而志在豐草也劉孝標辨命論曰候草木以



今裂諸夏龍戰虎爭歟起字見北史崔浩傳云宋武  
帝沮帝欲取洛陽武牢滑臺浩曰陛下不以劉裕歟  
起納其貢使今死乘喪歸來商山下泛若雲無情舉  
伐之雖得之不令也

觴酌巢由洗耳何獨清浩歌望嵩嶽意氣還相傾賢齊

曰史記曰堯讓天下於許由由恥之逃隱予登箕山  
上有許由冢九域志曰潁昌府唐之許州許昌郡有  
許由臺巢父臺士贊曰陶潛詞曰雲無心而出岫逸  
士傳曰巢父堯時隱人年老以樹爲巢而寢其上故  
人號爲巢父堯之讓許由也由以告巢父巢父曰汝  
何不隱汝形藏汝光非吾友也乃擊其膺而下之許  
由悵然不自得乃遇清冷之水洗其耳拭其目曰嚮  
者聞言負吾友遂去終身不相見樊仲父牽牛飲之  
見巢父洗耳乃驅牛而還耻令其牛飲其下流也楚  
辭衆人皆濁我獨清陶潛詩意氣傾人命離隔復何  
有東漢吳漢傳意氣自若鮑照詩曰握君手執杯酒  
意氣相傾死何有此意謂巢由之矯激不若四皓之



時行時上一出而國本定事成則復歸乎商山卷舒自在若無心之雲也中庸之德其至矣乎何以獨清為哉太白蓋為明皇欲廢太子瑛有所感而作是詩也初瑛母以倡進鄂光二王母以色選及武惠妃寵幸後宮生壽王愛與諸子絕等而太子二王以母失職頗快怏怏惠妃女婿楊洄揣妃旨伺太子短譁為醜語惠妃訴于帝且泣帝大怒召宰相議廢之張九齡諫得不廢俄而九齡罷李林甫專國數稱壽王美以採妃意妃果德之二十五年洄復構瑛瑤琚與妃之兄薛鑄異謀惠妃使人詭召太子二王曰宮中有賊請戒以兵入太子從之妃白帝曰太子二王謀反甲而來帝使中人視之如言遽召宰相林甫義答曰陛下家事非臣所宜豫帝意決乃詔廢為庶人尋遇害天下冤之號三庶人歲中惠妃病數見庶人為祟因召巫祈之請改葬且射行刑者瘞之訖不解妃死崇亡明皇之時盧鴻王希夷隱居嵩山李元愷吳筠之徒皆以隱逸稱或召至闕庭或遣問政事徒耳高談



句曰浩歌望嵩嶺意氣還相傾亦深不滿  
於當時嵩嶺之隱者歟其意微而婉矣

于闐採花

王贊曰樂錄于闐採花者蕃胡四曲之一太白此篇則借明妃之事以興

世之君子不遭明君賢不肖易置如明皇之恩張九齡雖遣祭曲江竟何補哉此詩規意皆自

國風中來

讀者毋忽

于闐採花人自言花相似明妃一朝西入胡胡中美

女多羞死乃知漢地多明妹胡中無花可方比

齊賢曰西

域傳于闐國王治西城去長安九千六百七十里于闐之西水皆西流注西海竟寧元年匈奴請壻漢氏元年以齊國王襄女名嬀字昭君妻之單于大喜石季倫王明君序王明君本是王昭君以觸文帝諱改焉王贊曰漢書匈奴傳竟寧元年呼韓邪單于入朝自言願壻漢氏以自親元帝以後宮良家子王嬀字



昭君賜單于單于懽喜乃上書願丹青能令醜者妍

深塞江淹賦曰無色類之可方

無鹽翻在深宮裏自古妬蛾眉胡沙埋皓齒齊賢曰西京雜記曰杜陵畫工毛延壽善畫人醜好老少必得真元帝宮人須多嘗令畫工圖之有欲呼者按圖以召故宮人多行賂於畫工昭君姿容甚麗無所苟求工遂毀其形狀後匈奴求美女帝以昭君充行既召見悅之而名字已去遂不復留帝怒殺毛延壽刻女傳鍾離春齊無鹽邑之女為人極醜皮膚若漆行年四十嫁不售齊宮燕於漸臺無鹽詣之召見為陳四殆王立拆漸臺拜無鹽為后離騷曰衆女嫉余之蛾眉今謠詠謂余以善淫枚叔七發曰皓齒蛾眉命曰伐性之斧士贊曰楚辭朱唇皓齒豐肉微骨嫵目宜笑蛾眉曼只此篇是借事引喻以刺時君昏瞋借聽於人而賢不肖易冒者讀之令人感嘆

鞠歌行齊賢曰王僧虔技錄有鞠歌行陸機序



曰王儉處宴樂初金木和言  
行太白此詞始則傷士之遭讒廢棄中則羨乎  
四賢之遇合有時終則重嘆今人不能  
如古人之識士也亦借此自况云耳

王不自言如桃李魚目笑之下和恥楚國青蠅何太

多連城白壁遭讒毀荆山長號泣血人忠臣死為刑

足鬼

齊賢曰漢書桃李不言下自成蹊張景陽詩魚目笑明月白頭吟玷自信青蠅韓子曰楚人和

氏得璞玉於楚山中獻之武王王使玉人相之曰石也則其左足成王即位和又獻之玉人曰石也則其右足文王即位和又抱璞哭於楚山下王使玉人理其璞而得寶名曰和氏之璧尹文子曰魏有田父得玉徑尺不知王奔之野鄰人盜以獻魏王王召玉工相之曰敢賀大王得天下之寶王問其價工曰此無價以富之五城三郡聊可一觀王立賜獻者食上大

夫之祿士贊曰維書曰秦失金鏡魚目入珠詩云營



營青蠅止于樊箋云興者謂蠅之為虫汗白使黑汗  
黑使白喻佞人變亂善惡也陳子昂詩青蠅一相點  
白壁遂聽曲知甯戚夷吾因小妻齊賢曰通鑑外紀  
成寃甯戚飯牛車下擊牛角而商歌曰南山矸白石爛生  
不逢堯與舜禪短布單衣適至甯從昏飯牛薄夜半  
長夜漫漫何時旦公聞之曰非常人也命後車載之  
賜衣冠與語大悅遂授以政管仲字夷吾潁上人也  
姬姓之後管嚴之子仕齊論語管氏有三歸士贊曰  
管子云齊桓公使管仲求甯戚戚應之曰浩浩乎育  
育乎管仲未悟其婢子曰詩有之浩浩者水育育者  
魚未有室家安召我居注魚水喻配偶也甯戚有伉  
儷之思故陳此詩又列女傳曰妾倩者齊相管仲之  
妾也甯戚欲見桓公道無從乃為人僕將車宿齊東  
門之外桓公因出甯戚擊牛角而商歌甚悲桓公異  
之使管仲迎之甯戚稱曰浩浩乎白水管仲不知所  
謂不朝五日而有憂色其妾倩進曰今君不朝五日  
非安



弱管仲曰何謂也倩曰妾聞之也昔者太公望年七十屠牛於  
朝歌市八十為天子師九十而封於齊由是觀之老  
可老耶夫伊尹有嬖氏之媵臣也湯立以為三公天  
下之治太平由是觀之賤可賤耶宰子生五歲而贊  
禹由是觀之少可少邪駉駉生七日而超其母由是  
觀之弱可弱邪於是管仲乃下席而謝曰浩浩乎白水吾不  
其故昔日公使我迎寧戚寧戚曰浩浩乎白水君不知  
知其所謂是故憂之其妾笑曰人已語君矣君不知  
識耶古有白水之詩詩不云乎浩浩白水儵儵之魚  
君來召我我將安居國家未定從我馬如此寧戚之  
欲得仕國家也管仲大悅以報桓公桓公乃修官府  
齋戒五日見寧子因以為佐齊國以治君子謂妾倩  
為可與謀詩云先民有言詢于芻蕘此之謂也頌曰  
桓遇寧戚命管仲之寧稱白水管仲憂疑妾  
進問焉為說其詩仲喜報公齊得以治云云  
羊皮買死百里奚洗拂青雲上當時賤如泥

齊賢曰  
晉滅虞



虜虞君與百里奚後爲穆姬媵於秦奚亡走宛楚鄢  
人得之秦穆公聞其賢欲重贖之楚不與以五羖羊  
皮贖之穆公釋其囚與語大悅授以國政史須賈曰  
不自意君能自致於青雲之上曹植詩君如清路塵  
妾若濁水泥士贇曰已氏春秋百里奚未遇時販牛  
於秦鬻以五羊之皮公孫枝得而獻諸謬公謬公用  
之謀無不當舉必有功劉向說苑秦穆公使賈人載  
鹽徵諸賈人賈人買百里奚以五羖羊之皮使將車  
之秦秦穆公觀鹽見百里奚牛肥曰任重道遠以險  
而牛何以肥也對曰臣飲食以時使之不以暴有險  
先後之以身是以肥穆公知其君子也令有司具沐  
浴爲衣冠與坐公太悅異日與公孫枝論政公孫枝  
大不寧曰君耳目聰明思慮審察君其得聖人乎公  
曰然吾悅天奚之言彼類聖人也以爲上卿史伯大  
傳曰間巷之人砥名立行者非附  
青雲之士惡能施於後世也哉

朝歌鼓刀叟虎變

番谷中一舉釣六合遂荒營丘東平生渭水曲誰識



此老翁

齊賢曰九域志朝歌隸衛州紂所都唐汲州淮南子曰太公之鼓刀磻谿石在鳳翔府號

縣東南十八里有投竿磻餌兩膝所著之處毛詩閟宮曰遂荒大東注荒本也子贊曰史齊世家太公望呂尚者東海上人本姓姜氏從其封姓故曰呂尚呂尚蓋嘗窮困年老矣以漁釣奸周西伯伯將出獵卜之曰所獲非龍非麋非虎非羆所獲霸王之輔於是周西伯獵果遇太公於渭之陽與語大悅曰自吾先君太公曰當有聖人適周周以與子真是邪吾太公望子久矣故號之曰太公望載與俱歸立爲師武王已平商而王天下封師尚父於齊營丘正義曰括地志營丘在青州臨淄北百步外呂氏春秋太公釣於茲泉遇文王酈元云磻溪中有泉謂之茲泉積水爲障卽太公釣處今謂之凡谷有石壁深高幽邃人迹罕及東南隅有石室蓋太公所居水次盤石釣處卽太公垂釣之所其投竿磻餌兩膝遺迹猶存是磻溪之稱也其水清冷神異北流十二里注于渭說苑呂望年七十釣于渭渚三日三夜魚無食者望卽忿



脫其衣冠上有農人者古之異人謂望曰子姑復釣  
必細其綸芳其餌徐徐而投無令魚駭望如其言初  
下得鮪次得鯉剖魚腹得書書文曰呂望封於齊望  
知其異楚辭天問呂望在肆昌何識鼓刀揚聲后何  
喜又思美人呂望屠於朝歌尚書大傳周文王至磻  
溪見呂望文王拜之尚曰尚釣得玉璜刻曰周受命  
呂佐符子曰太公釣隱磻溪五十有六年矣而未嘗  
得一魚魯連聞之住而觀其釣太公跪石隱崖且不  
餌而釣仰詠俯吟及暮而釋奈何今之人雙目送飛  
竿易曰大人虎變其文炳也  
鴻士贊曰潘岳詩命也可奈何管子法三篇桓公在  
位管仲隰朋見立有間有二鴻飛過桓公嘆曰仲  
父今彼鴻鵠有時而南有時而北四方無遠所欲至  
而至焉唯羽翼之故寡人有仲父猶飛鴻有羽翼也  
嵇康詩目送飛鴻手揮五絃此詩蓋深嘆今之人無  
知人之鑒卒之無可奈何唯有目送飛鴻以寄興耳  
太白負才而不用於



幽澗泉

士贊曰樂府幽澗泉是者山水二十四曲之一

拂彼白石彈吾素琴幽澗愀今流泉深

齊賢曰琴譜有幽澗泉曲

書曰昔人祥之日常彈素琴素瑟陶潛不解音聲而畜素琴一張每有酒適輒抚弄以寄其意士贊曰江

淹賦濁醪夕引素琴晨張嵇康詩習習谷風吹我素琴

善手明徽高張清心寂

歷似千古松風颺今萬尋

士贊曰楊雄解難曰絃者高張急徽物理論曰琴欲

高張瑟欲下声顏延年詩高張生絕絃声急由調起江淹山中楚辭風颺颺今永道寒盧思道納涼賦曰

勤颺颺於翠帳中見愁猿弔影而危處今叶秋木而長吟客

有哀時失職而聽者淚淋浪以霑襟

齊賢曰嵇叔夜琴賦曰紛淋浪

以流離士贊曰江淹賦弔影慙冤吳都賦猿父哀吟願子長肅楚詞坎壈兮貧士失職而志不平尸子曰



曾子每讀喪禮淚下沾襟乃緝商綴羽潺湲成音吾但爲聲發情

於妙指殊不知此曲之古今幽澗泉鳴深林士贊曰詩大序

情發於聲選歸田賦彈五絃於妙指此謂澗泉松風之聲猿鳴客愁之狀皆寫於琴聲之中也

王昭君二首

王贊曰樂錄王昭君亦曰王嬙亦曰王明君清商曲七曲之一也按

文選石崇樂府王明君辭序曰王明君者本是王昭君以觸晉文帝諱改之匈奴盛請婚於漢元帝以後宮良家子昭君配焉昔公主嫁烏孫令琵琶馬上作樂以慰其道路之思其送明君亦必尔也其造新曲多哀怨之聲故叙之於紙云尔張永元嘉技錄相和歌吟嘆四句亦有王

昭君

塞家秦地月流影照明妃一上玉關道天涯去不歸



齊賢曰唐沙州壽昌縣西北有玉門關見前注古詩作

天無涯今地無邊王贊曰玉門陽關見前注古詩作

云萬餘里各在天一涯漢月還從東海出明妃西嫁無來日王贊

曰陶潛詩素月出東嶺鮑照詩曰君不見城上日今

暝沒盡去明朝復更出今我何時當更然一去永滅

入黃泉太白是用其意而易其辭謂漢月西沒猶燕

有東升之時若明妃之西嫁則無東歸之日矣

支長寒雪作花蛾眉憔悴沒胡沙生之黃金枉圖畫

死留青塚使人嗟齊賢曰燕支山及圖畫並見前注

謂達曰將為漢將為胡曰為胡於是昭君服毒而死

## 其二

單于舉國葬之胡中多白草而此塚獨青王贊曰燕

支山名見後幽州胡馬客歌注詩云螭首蛾眉逸詩

無棄蕉萃漢書匈奴傳嚴尤曰胡地沙鹵多乏水草

李詩甫主 卷二 十五



昭君拂玉鞍上馬啼紅頰今日漢宮人明朝胡地妾

齊賢曰漢武時身毒國獻連環羈皆以白玉作之馬  
嚼石爲勒白光琉璃爲鞍鞍在暗室中常照十餘丈  
如晝日士贇曰胡地見前注此二篇蓋  
借漢事以詠當時公主出嫁異國者

中山孺子妾歌

士贇曰漢書藝文志詔賜中山  
靖王曾及孺子妾冰未央材人

謠詩四篇師古曰孺子玉妾之有品號者也妾  
王之衆妾也冰其名材人天子內官如淳曰孺  
子幼少稱也太白蓋  
卽其題而賦之也

中山孺子妾特以色見珍雖不如延年妹亦是當時

絕世人

齊賢曰孺子宮人也陸韓卿中山王孺子妾  
歌曰賤妾終已矣君子定何如呂不韋使華

陽夫人姊說華陽夫人曰以色事人者色衰  
桃李出



深井花豔驚上春一貴復一賤關天豈由身翟公罷

延尉賓客皆去書其門曰一貴一賤交情乃見王贊

旦選樂府南國有佳人容華笑桃李江淹賦羅與綺

今嬌上春列于揚朱曰貴非芙蓉老秋霜團扇羞網

所貴賤非所賤齊貴齊賤芙蓉老秋霜團扇羞網

塵齊賢曰王逸楚詞注芙蓉蓮花也傳玄鴈兔賦曰

團團似明月常恐秋節至涼風奪炎熱張華詩玉臺

生網絲士贊曰陸韓卿中山王孺子妾詞歲暮寒飈

及秋水落芙蓉李善注云爾雅曰荷芙蓉也郭璞曰

引名芙蓉也曹植詩繁華將茂秋霜悴之樂略王中

書令王珉好執白團扇其侍人謝芳歌之或云珉與

嫂婢謝芳有情嫂鞭撻過苦婢善詞而作此曲其辭

口團扇復團扇持許自遮面戚姬髡髮入春市萬古

憔悴無復理羞與郎相見戚姬髡髮入春市萬古

共悲辛士贊曰漢史呂皇后傳高祖崩呂后為皇太

后令永巷囚戚夫人髡鉗衣赭衣令春戚夫

卷四



人春且歌曰于為王毋為虜終日春薄暮常與死為伍相離三千里當誰使告汝太后聞之大怒曰迺欲倚汝子邪迺召趙王使人持鵠飲之趙王死太后遂斷夫人手足去眼熏耳飲瘖藥使居鞠域中名曰人

荆州歌

士贇曰樂錄都邑三十四曲有荆州樂又有荆州謠注云今荆南府也

白帝城邊足風波瞿塘五月誰敢過荆州麥熟鰲成

蛾繰絲憶君頭緒多撥穀飛鳴柰妾何

齊賢曰白帝城公孫述所

築寰宇記曰灩澦堆在夔州西南二百步蜀江中心瞿塘在州東一里冬水淺石屹然露一百餘尺夏水漲沒水中十丈其狀如馬舟人不敢進唐志江陵府本荆州南郡有荆門縣撥穀布穀項羽歌曰虞兮虞兮奈若何士贇曰按元和志白帝即夔州城所據與



白帝城南都賦云白鶴飛今繭曳緒翰曰猶蠶曳絲緒而相連者也

設辟邪伎鼓吹雉子班曲辭

士贇曰雉子班漢短簫鏡歌二十二

曲之一也大曰鼓吹山晉曰於穆我皇言武帝也北齊曰聖道洽吉文宣之德無思不服也後周曰平東夏言高祖禽齊王於青州一舉定山東也按吳兢所引古辭云雉子高飛止黃鵠高飛已千里雉飛來從雌視以為始作之辭然樂用之題亦如古詩題所謂關雎葛覃之類只取篇中一二字以命詩初無義也後人即物即事而賦故於題有義據此古詞無雉子班之語往往雉子班之作復在此古詞之前吳兢未之見也如吳均可憐雉子班又後人所作也

辟邪伎作鼓吹驚雉子班之奏曲成喔咿振迅欲飛



鳴扇錦翼雄風生雙雌同飲啄  
羈悍誰能爭乍向草

中耿介死不求黃金籠下生

齊賢曰樂書梁三朝樂有車輪折胆伎薛邪伎

青紫麗伎吳均雉子班曰可憐雉子班羣飛集野甸

潘岳射雉賦逸羣之雉擅場挾兩注逸羣雉異之雉

不但欲擅一場又挾兩雌也宋玉風賦曰此大王之

雄風莊子澤雉十步一豕百步一飲西京賦羈悍號

豁射雉賦厲耿介之專心薛君韓詩章句曰雉耿介

之鳥拾遺錄曰魏禪晉之歲北閣下得一白燕以為

神物以金為籠置之宮內士贇曰一詞卜居啞啞需

兒潘岳射雉賦越壑凌岑飛鳴薄廩老子云天下莫

能爭也南史劉裕曰天地至廣大何情逐物情善卷

不復能草間求活

天地至廣大何情逐物情善卷

讓天子務光亦逃名所貴曠士懷朗然合太清

齊賢曰老

子天大地大善卷壇在沅州杜山下莊子曰舜以天



下爲哉去而入深山莫知其處又曰湯與務光天下  
務光怒之紀他聞之帥弟子而踐於歙水諸侯弔之  
淮南子曰太清之始也和順以寂寞注云清靜也太  
清無爲之始者謂三皇之時和順而不逆天暴物寂  
寞不擾民士贊曰易繫庖犧氏始作八卦以類萬物  
之情莊子讓王篇湯伐紂克之以讓務光曰知者謀  
之武者遂之仁者居之古之道也吾子胡不立乎務  
光曰廢上非義也殺民非仁也人犯其難我享其利  
非廉也吾聞之曰非其義者不受其祿無道之世不  
踐其土況尊我乎吾不忍久見也乃負石而自沉於  
廬水曹植詩曰小人自齷齪安知曠士懷鶚冠子曰  
上及太清天寶之末爭名者於朝爭  
利者於市太白此詩其有所諷歟

相逢行

士贊曰王僧虔枝錄相和歌清調六曲  
有相逢狹路行亦曰長安有狹斜行亦

曰相  
逢行



相逢紅塵內高揖黃金鞭萬戶垂楊裏君家阿那邊

齊賢曰西都賦曰紅塵四合李陵詩曰紅塵塞天地羅敷艷歌曰俯仰終阿那

古有所思行

王贊曰王僧虔技錄相和歌瑟調三十八曲內有有所思又漢短簫

鐃歌二十二曲其一曰有所思亦曰嗟佳人註云漢大樂食舉十三曲第七曰有所思漢朝以

此樂作食

我思仙人乃在北海之東隅海寒多天風白波連山

倒蓬壺

齊賢曰士愁詩曰我所思兮在泰山莊子曰白波若山海賦曰波如連山列子曰歸墟中

有五山一岱輿二員嶠三方壺四瀛洲五蓬萊王贊曰仙傳許遜隱西山作醉思仙之歌詩云我思古人

洲記扶桑在東海之東岸一萬里復得碧海廣狹



所治處地多林木葉皆如桑又有樵子變化萬端蓋  
無所形或有分形為百身十丈者  
選古詩枯桑知天風海水知天寒  
長鯨噴湧不可涉

撫心茫茫淚如珠西來有鳥東飛去願寄一書謝麻

姑

齊賢曰山海經曰三危之山有青鳥居之注青鳥  
王為西王母取食漢武帝故事七月七日上齋居

承華殿忽有一青鳥從西來集殿上上問東方朔朔  
曰此西王母欲來有頃王母乘紫雲車而至有三青  
鳥如鳥大夾侍王母旁神仙傳王遠字方平漢桓帝  
時棄官入山嘗降蔡經家遣人召麻姑至一好女子  
年可十八入於頂上作髻手爪似鳥王贊曰長鯨見  
一卷注儀禮婦人拊心不哭陸機詩撫心痛荼毒郭  
璞詩臨川哀年邁芳心獨悲吒山海經青鳥者西王  
母之使也人首鳥身衣青衣而飛行曰青鳥陶潛詩  
翩翩三青鳥毛色奇可憐朝為王母使暮歸三危山  
我欲因此鳥具向王母言又仙傳麻姑自與王遠會



後即於海州東海襄王山坐化至今  
有紀異觀奉其肉身觀有女道士焉

久別離

士贊曰樂錄別離十九曲之一

別來幾春未還家玉牕五見櫻桃花况有錦字書開

緘使人嗟

士贊曰錦字是用竇滔妻蘇氏織錦作回文詩贈夫事見織錦回文詩序

至此

腸斷彼心絕雲鬟綠髻罷梳結愁如回颿亂白雪

齊賢

日鮑照詩野風吹秋水行子心腸斷曹植詩何意回颿舉

去年寄書報陽臺今年

寄書重相催東風兮東風為我吹行雲使西來待來

竟不來落花寂寂委青苔

齊賢曰宋玉高唐賦序曰妾在巫山之陽高丘之阻

旦為行雲暮為行雨朝朝暮暮陽臺之下士贊曰魏



空牆

白頭吟

士贇曰樂府白頭吟始於卓文君事見詩內註

錦水東北流、波蕩雙鴛鴦、雄巢漢宮樹、雌弄秦草芳、

寧同萬死碎綺翼、不忍雲間兩分張、

齊賢曰古今注曰鴛鴦水鳥鳬

類也

雌雄未嘗相離人得其一一思而死故謂之四

鳥射

維賦鴛綺翼而願趙王贇曰錦水即成都錦江

橋之水也

圖經曰汶江一名流江經縣南七里蜀守

李冰穿二江

成都中皆可行舟溉田萬頃蜀中謂流

江為笮橋水

此水濯錦鮮於他處晉符堅載記民謠

曰一雌復一雄

雙飛入紫宮詩云鴛鴦在梁注止則

相偶飛

則成雙此時阿嬌正嬌妬獨坐長門愁日暮但願君

恩顧妾深

豈惜黃金買詞賦相如作賦得黃金丈夫



好新多異心

齊賢曰漢武故事景帝問兒欲得婦否曰欲得長公主指其女曰阿嬌好否曰

若得阿嬌當作金屋貯之外戚傳曰陳皇后長公主生  
標女曾祖陳嬰為堂邑侯傳子至孫午尚長公主生  
女武帝立為太子長主有力取主女為妃及即位立  
為皇后十餘年無子聞衛子夫得幸幾死者數焉上  
怒策罷退居長門宮士賈曰司馬長卿長門賦序孝  
武皇帝陳皇后時得幸頗妬別在長門宮愁悶悲思  
聞蜀郡成都司馬相如天下士能文奉黃金百斤為  
相如文君取酒因下解悲愁之辭而相如為文以悟  
主上皇后復得幸按唐書王廢后傳始后以愛弛不  
自安乘間泣曰陛下獨不念阿忠脫紫半臂易斗麴  
為主日湯所耶帝憫然動容阿忠后呼其父仁皎云  
繇是久乃廢時王湮作翠羽帳賦諷帝未幾卒後宮  
思慕之帝亦悔王湮之賦與相如事絕類太白可謂  
善於引喻矣古樂府長跪問故夫新人復何如新人  
雖云好未若故人妹後漢竇玄一朝將葬茂陵女文



不因贈白頭吟東流不作西歸水落石出始知

齊賢曰樂府解題曰相如將聘茂林女為妻文君作  
白頭吟以自絕占樂府長歌行曰百川東到海何時  
復西歸士贊曰西京雜記司馬相如將聘茂陵女為  
妾卓文君作白頭吟以自絕曰曉如山下雲皎若雲  
間月良人有兩意故與相訣別又曰今日斗酒問明  
日溝水頭蹀躞溝水上溝水東西流又曰凄凄重凄  
凄嫁娶不須啼願得一人心白頭不相離相如感之  
乃止不聘妾焉何遜詩復如東流水未有西歸日夜  
雨滴空階曉  
鬼絲固無情隨風任傾倒誰使女蘿枝  
燈暗離室

而來強縈抱兩章猶一心人心不如草

齊賢曰爾雅唐蒙女蘿女

蘿兔絲古詩與君為新婚兔絲附女蘿毛萇詩傳女蘿松蘿也

莫捲龍鬚席從他生

網絲且留琥珀枕或有夢來時

齊賢曰古今注曰孫興公問世稱黃帝乘



龍上天群臣援龍鬚鬚墮地而生草曰龍鬚有之乎  
曰無也龍鬚草一名縉雲草世人妄傳如今有虎鬚  
草江東亦織為席號西王母席可復是西王母乘虎  
而墮其鬚乎江淹詩玉臺生網絲宋武帝寡慾寧州  
官獻琥珀枕時將北伐以琥珀療金瘡帝悅命碎分  
賜諸將王贊曰晉東宮舊事太子有獨坐龍鬚席赤  
皮席花席經席唐地理志秦州天水郡丹州丹陽郡  
上貢龍鬚席西京雜記趙飛燕為皇后其女弟在昭  
陽殿遺后三十五  
倏內有琥珀枕  
覆水再收豈滿杯棄妾已去難重  
迴齊賢曰後漢何苗謂兄進曰覆水不收宜深思之  
齊賢又舊妻與玄書棄妻斥女敬白竇生士贊曰莊  
子云覆杯水  
於坳堂之上  
古來得意不相負祇今惟見青陵臺  
賢  
韓憑戰國時為宋康王舍人妻何氏美王欲之使  
舍人築青陵臺夫人作詩口南山有鳥北山張羅鳥  
目高飛羅當柰何又曰烏鵲雙飛不樂鳳皇妾是庶



曰王褒頌曰其得意如此此詩其為明皇寵武妃廢  
皇后而作乎其事詳見二卷註唐詩人多引春秋為  
魯諱之義以漢武北明皇中間此義引事讀者自見  
蓋王皇后乃元宗為臨淄王時所聘龍鬚席則晉東  
宮事意有在矣琥珀枕則皇后事意謂一枕遊仙之  
時夢中或者相遇否則無再合之期矣辭婉意悲  
國風好色而不淫小雅怨誹而不亂是詩得之矣

其二

士贊曰按此篇出入前篇  
語意多同或謂初本云

錦水東流碧波蕩雙鴛鴦雄巢漢宮樹雌弄秦草芳  
相如去蜀謁武帝赤車駟馬生輝光一朝再覽大人  
作萬乘忽欲凌雲翔聞道阿嬌失恩寵千金買賦要  
君王

齊賢曰史記司馬相如蜀郡成都人蜀人楊得  
意為狗監侍上上讀子虛賦而善之曰朕獨不



得與此人同時哉得意曰臣邑人司馬相如自言爲此賦上驚召問相如相如曰有是然此乃諸侯之事未足觀也請爲天子遊獵賦賦成奏之天子以爲郎天子旣美子虛之事相如見上好神仙因曰上林之事未足美也因奏大人頌天子乃悅飄飄有凌雲氣游天地之間意士贊曰司馬相如傳相如爲中郎將建奏之天子以爲郎後通邛笮乃拜相如爲中郎將建節往使馳四乘之傳因巴蜀幣物以賂西南夷至蜀太守以下郊迎縣令負弩矢先驅蜀人以爲寵於是卓王孫臨邛諸公皆因門下獻牛酒以交驩卓王孫喟然而嘆曰以得使女尚司馬長卿人乃厚分與其女財與男等初相如往京師過蜀郡升仙橋題其柱曰不乘駟馬車相如不憶貧賤日位高金多聘私室不復過此橋

茂陵姝子皆見求文君歡愛從此畢淚如雙泉水行

三昌青晨白頭吟長吁不整綠雲



鬢仰訴青天哀怨深坂崩和梁妻言近二卷八

不作西歸水落花辭枝羞故林

齊賢曰蘇秦嫂謂妻曰見季子位高金多

也孟子華周杞梁之妻善哭其夫趙岐註二人齊大夫死於戎事其妻哭之哀城爲之崩士贊曰司馬相如傳相如客游梁歸而家貧無以自樂後於臨邛通卓文君夜亡奔相如與馳歸成都家徒四壁立乃與文君之臨邛賣酒市中卓王孫耻之不得已分與文君僮百人錢百萬及其家詩衣被財物文君乃與歸成都爲富人茂陵事見前篇注劉琨詩淚下如流泉五起者五更而起也漢書曰雞三號天平明琴操杞梁妻嘆者齊邑杞殖之妹所作也殖戰死妻泣曰上則無父中則無夫下則無子人生之苦至矣乃放聲長號杞城爲之頽投水死其妹悲之

頭上玉燕釵是

妾嫁時物贈君表相思羅袖幸時拂莫捲龍鬚席從



他生網絲且留琥珀枕還有夢來時鷓鴣裘在錦屏  
上自君一挂無由披妾有秦樓鏡照心勝照井願持  
照新人雙對可憐影覆水却收不滿杯相如還謝文  
君迴古來得意不相負祇今惟有青陵臺齊賢曰趙后妹名合  
德有紫玉九雛釵西京雜記相如居貧愁懣以所着  
鷓鴣裘就市人楊昌貴酒淮南子注鷓鴣長脰綠色  
其形似鴈一曰鳳皇之別名也秦女弄玉吹簫樓上  
得仙故曰秦樓古詩新人工織縑故人工織素異苑  
曰蜀賓國王得一鸞三年不鳴夫人懸鏡照之觀影  
悲鳴一奮而絕士贇曰曹植詩云頭上金爵釵西京  
雜記高祖初入咸陽官府庫珍寶尤異者有方鏡廣  
四尺高五尺九寸表裏有明人直來照之影則倒見  
以手捫心而來則見腸胃五藏歷然無礙人疾病在



者殺之後詩中事雜見前篇註更不重述

# 採蓮曲

齊賢曰秦川唱采蓮歌今競渡船唱齊  
撓引笛唱絲虹于船頭刻為獸頭起齊

景公公造采蓮舟令宮人絲女撐之士  
贊曰樂錄草木二十四曲内有採蓮曲

若耶谿傍採蓮女笑隔荷花共人語日照新妝水底

明風飄香袂空中舉

齊賢曰樂書採蓮之舞衣紅繒  
短袖暈裙雲鬟髻乘綠船持花

士贊曰越絕書薛燭對越王曰若耶之溪涸而出銅  
今在會稽縣東南北流二十五里與鏡湖合梁羊侃  
性豪侈善音律自造采蓮棹歌甚有新致姬妾列侍  
古樂府江南詞曰江南可採蓮曹子建詩曰清風飄  
我衣岬上誰家遊冶郎三三五五映垂楊紫騮嘶入落

花去見此踟躕空斷腸

士贊曰詩云搔首踟躕辛延  
年羽林郎詩銀鞍何煜爚翠



蓋空踟躕魏文帝詩  
念君客遊思斷腸

### 臨江王節士歌

士贊曰樂府遊俠曲二十  
一中有臨江王節士歌

洞庭白波木葉稀燕鴻始入吳雲飛吳雲寒燕鴻苦

風號沙宿瀟湘浦

齊賢曰楚辭湘君曰洞庭波兮木  
葉下士贊曰月令仲秋鴻鴈來圖

經湘水自陽海發源至零陵而管水會之二  
水合流謂之瀟湘瀟湘者水清深之名也

節士悲

秋淚如雨白日當天心照之可以事明主壯士憤雄

風生安得倚天劍跨海斬長鯨

齊賢曰臨江節士史  
失其名唯古樂府載

送陸厥臨江王節士歌曰節士慷慨髮上衝冠彎弓  
挂若木長劍竦雲端宋王風賦曰此大王之雄風又  
大言賦曰長劍耿介倚天外士贊曰韓詩外傳壯士



漢書趙廣漢見事風生晉門帝紀曰斬鯨鯢而拜國

司馬將軍歌

士贊曰樂府遺聲征戎五曲內有司馬將軍歌

狂風吹古月竊弄章華臺北落明星動光彩南征猛

將如雲雷手中電擊倚天劍直斬長鯨海水開

齊賢曰九

域志章華臺在江陵府左傳楚子成章華之臺杜預云在江陵華容縣漢書遂曰赤子盜弄陛下之兵於潢池中甘氏星經曰北落門師一星在羽林軍西南星明而角則軍安寧小暗則天下兵起謝萬曰四座皆猛將士贊曰晉載記論曰跨有全齊竊弄神器意此時必有盜弄兵於荆楚者故朝廷遣兵平之也魏文帝詩丹霞夾明月華星出雲間上天垂光彩五色一何鮮隋賀若弼曰楊素是猛將非謀將王粲刀銘



曰陸刺犀兕  
水截鯨鯢

我見樓船壯心日頗似龍驤下三蜀揚

兵習戰張虎旗江中白浪如銀屋

齊賢曰晉王濬為益州刺史作大船

長百二十步受二千餘人以木為城起樓櫓開四門

出其上皆得馳馬往來咸熙五年伐吳以濬為龍驤

將軍與已東將軍唐彬下巴蜀東西凡二十餘萬人

穀梁曰出曰治兵習戰也人曰振旅習戰也周禮司

宮建九旗以待國事能虎為旗鳥隼為旗龜蛇為旐

士贊曰西京雜記武帝作昆明池以習水戰中有戈

船樓船各數百艘爾雅釋名能虎身居玉帳臨河魁

為旗將軍所建象其猛如能虎也

身居玉帳臨河魁

紫髯若戟冠崔嵬細柳開營揖天子始知灞上為嬰

孩齊賢曰唐藝文志有玉帳經大將軍有此河魁在九星為文曲楚辭惜誦曰冠切雲之崔嵬漢文大

年匈奴大人以劉禮軍灞上徐厲軍棘門周亞夫軍



別曰軍中聞將軍之令不聞天子之詔有頃上至不  
得入使使持節詔將軍曰我欲勞軍亞夫乃傳言開  
壁門上請車騎曰將軍約軍中不得馳驅天子乃按  
轡徐行至中營亞夫揖曰介胄之士不拜請以軍禮  
見天子爲動改容式車使人稱謝曰皇帝敬勞將軍  
成禮而去旣出軍門群臣大驚帝曰嗟乎  
此真將軍矣鄉者灞上棘門如兒戲耳

羌笛橫吹

阿鞬迴向月樓中吹落梅將軍自起舞長劒壯士呼

聲動九垓

齊賢曰長笛賦曰近世雙笛從羌起虞子  
陽詩羌笛隴頭鳴樂錄笛吹胡樂也張騫

自西域傳法於張安唯得摩訶勒一曲李延年因  
之更造新聲二十八解乘輿以爲武樂後漢以給邊  
將和帝時萬人將軍得用之晉桓伊善笛撰折楊柳  
落梅花免盡巧妙漢高祖紀項莊請以劒舞淮南子  
吾與汗漫期於九垓之外士贇曰樂錄鼓角橫吹十  
五曲內有梅花落注云胡笳曲也阿鞬迴亦曲名也



史項王目樊噲曰壯士也晉書祖逖與劉琨同寢中  
夜聞荒野雞鳴蹴琨覺曰此非惡聲也因起舞史項  
羽紀楚兵呼聲動天司馬功成獻凱見明主丹青畫  
相如封禪書曰上暢九垓

像麒麟臺

齊賢曰周官大司樂王師大獻則令奏凱  
樂樂師凡軍大獻教凱歌司馬法曰得意

則愷樂所以云喜也漢宣帝甘露三年思中興功臣  
乃圖畫其人於麒麟閣法其形貌題其官爵姓名凡  
十一人士贊曰禮樂師凡軍大獻則鼓其凱樂  
師有功則左執律右執鉞以先凱樂獻于社

君道曲

士贊曰太白自注云梁之  
雅歌有五篇今作一章

大君若天覆廣運無不至軒后爪牙常先太山稽如  
心之使臂小白鴻翼於夷吾劉葛魚水本無二土校

可成齋責德為草也

齊賢曰禮記如天之無不覆尚



身之使臂小白齊桓公名夷吾管仲字劉繻曰孤之  
有孔明如魚之有水士贊曰軒后黃帝也常先太山  
稽黃帝之將相事見一卷註詩云子王之爪牙疏云  
鳥用爪獸用牙以防衛已身管子法法篇桓公曰寡  
人之有管仲猶飛鴻之有羽翼也詩綿箋云築墻者  
梓聚壤土盛之以繫而投諸版中校者以木爲闌義  
見漢書注淮南子曰地東西爲緯南北爲經山爲積  
德川爲積刑高誘曰山仁萬物  
生焉故爲積德詩云謂地蓋厚

### 結襪子

齊賢曰古樂府曰結襪子大抵言感恩  
重而以命相許也士贊曰樂府遺聲遊

俠二十一曲  
中有結襪子

燕南壯士吳門豪筑中置鉛魚隱刀感吾恩重許君

命太山一擲輕鴻毛

齊賢曰史燕世家秦滅燕荆軻  
之客皆亡高漸離變姓名爲人



傭保匿作於宋久之乃出其筑與其善衣擊筑而歌  
客無不流涕聞於秦始皇召見人有識者曰高漸離  
也始皇惜其善擊筑重赦之乃矐其目使擊筑稍益  
近之高漸離乃以鉛置筑中復進得近舉筑扑秦皇  
帝不中於是遂誅高漸離吳世家公子光與王僚爭  
國光伏甲士於宮室而請王僚飲使專諸置匕首於  
炙魚之中以進食推匕首刺王僚鈹交於胷遂弑王  
僚公子光竟代立是爲吳王闔廬闔廬乃以專諸子  
爲卿應劭曰筑狀似琴而大頭安絃以竹擊之西征  
賦筑聲厲而高奮沮替鉛以脫矐論衡曰漸離舉筑  
擊秦王中矐秦王病瘡死郭璞三蒼解詁曰矐膝蓋  
矐黃各反士贊曰漢書司馬遷曰人固有一死死有  
重於太山或有輕於鴻毛用之所趣異也

## 結客少年場行

齊賢曰鮑明遠有結客少年場  
行曹植結客篇曰結客少年場

報怨洛北印士贊曰樂府遺聲游俠二十一曲



曄後漢書曰祭遵為吏部所侵結客報之也李  
周翰曰言少年時結任俠之客為游樂之場終  
而無成故有斯作也今太白之詩全祖此意

紫燕黃金瞳啾啾搖綠髮平明相馳逐結客洛門東

齊賢曰劉邵趙都賦曰良馬則飛兔紫燕顏延年頗  
白馬賦曰紫燕駢衡綠蛇衛轂相馬經月成人者行  
千里張良傳曰平明而往士贊曰紫燕古駿馬名見  
三卷注楚辭鳴玉鑿之啾啾叔孫通傳先平明李尤  
馬鞍銘曰驅騫馳逐騰踊覆踐曹  
植詩結客少年場報怨洛北邙少年學劍術凌轍

白猿公珠袍曳錦帶七首插吳鴻由來萬夫勇挾此

生雄風

齊賢曰越有處女能劍術越王聘之處女將  
北見王道逢老翁自稱袁公曰吾聞子善劍

術願一觀之處女曰惟公試之袁公即跳於竹林搞  
折墮地處女即接木袁公操本以刺處女女應節入



三入因舉枝擊之袁公飛上樹化為白猿而去禮記  
居士錦帶荆軻得趙人徐大人七首取之百金士贊  
曰袁淑詩荆魏多壯士宛洛富少年史荆軻傳魯勾  
踐已聞荆軻之刺秦王私曰惜哉其不講於刺劍之  
術者呂氏春秋曰凌轢諸侯史記曰楚靈王兵強凌  
轢中原珠袍凡俠客皆有之亦服制如此吳鴻鈞名  
事見三卷注書萬夫之長託交從劇孟買醉入新豐  
宋玉賦此大王之雄風也

笑盡一杯酒殺人都市中

士贊曰劇孟事見三卷注漢書地理志新豐驪山在

南故驪戎國秦曰驪邑高祖七年置見前楊叛兒注  
鮑照結客少年場失意杯酒間白刃起相讐殺人  
市巾似是暗用郭解客殺  
楊季主上書人於闕下事

燕丹事不立虛沒去帝宮舞陽死灰人安可與成功

齊賢曰史記荆軻曰風蕭蕭兮易水寒壯士一去兮



遇之無禮丹去故厚養荆軻令西刺秦王精誠感天  
白虹為之貫日也如淳曰白虹兵象日為右列士傳  
曰荆軻發後太子自相氣見虹貫日不徹曰吾事不  
成矣後聞荆軻死事不立曰吾知其然也燕丹子曰  
荆軻與秦舞陽入秦秦王陛戟而見燕使既鼓鐘並  
發武陽大恐面如死灰色荆軻  
刺秦皇事見前卷注可互觀之

長干行

士贊曰樂府遺聲都邑三十四曲中有長干行長干地名也圖經長干里去止

元縣五里

妾髮初覆額折花門前劇郎騎竹馬來遶床弄青梅

同居長干里兩小無嫌猜

齊賢曰殷浩傳桓溫語人曰少時吾與浩共騎竹馬

我棄去浩輒取之故當出我下也吳都賦長干延屬注云江東謂山岡間為干建鄴之南有山其間平地

李詩補注

卷四

七



吏民居之號爲于中有大長干小長干皆相屬韓詩考槃在于地下而廣曰干士贇曰後漢書郭伋行部到西河有童兒數百各騎竹馬於道次迎拜伋問兒曹何自遠來對曰聞使君到喜故來奉迎繞床字晉書劉毅傳毅牽衣繞床叫左傳耦十四爲君婦羞顏俱無猜鮑照詩曰不受外嫌猜

未嘗開低頭向暗壁千喚不一迴十五始展眉願同

塵與灰常存抱柱信豈上望夫臺

齊賢曰望夫臺在忠州南十里士贇

曰陸士衡挽歌今爲灰與塵莊子盜跖篇云尾生與女子期於梁下女子不來水至不去抱橋柱而死

十六君遠行瞿塘灘湍堆五月不可觸猿聲天上哀

齊賢曰古樂府曰灘湍大如服瞿塘不可觸灘湍在夔州西南二百步今夔移治去二里許士贇曰圖經瞿塘峽在夔州東一里舊名西陵峽瞿塘乃三峽之



丈夏沒名艷頽堆土人云艷頽大如象罍塘不可上  
艷頽大如馬罍塘不可下人以此爲水候蓋五月水  
漲時不可行船也荊州記曰漁者歌曰巴東三峽巫  
峽長猿鳴三  
聲淚沾裳  
門前遲行跡一一生綠苔苔深不能掃

落葉秋風早八月胡蝶來雙飛西園草感此傷妾心

坐愁紅顏老

齊賢曰張景陽詩曰房櫳無行跡庭草  
萋以綠青苔依空牆蜘蛛網四壁士贇

曰謝莊月賦綠苔生閣淮南子一葉落而天下知秋

漢武帝詞秋風起兮白雲飛草木黃落兮鴈南歸陸

機詩落葉後秋衰鮑照詩別葉早辭風張景陽詩借

問此何時胡蝶飛南園鮑照詩人生亦有命安能行

嘆復早晚下三巴預將書報家相迎不道遠直至長

坐愁

早晚下三巴預將書報家相迎不道遠直至長

風沙

齊賢曰渝州記閬白二水東西流三曲如巴字  
是爲三巴又劉璋以墊江以上爲巴郡江州至



臨江爲永寧郡响忍至魚復爲固陵郡後再以永寧  
爲巴郡固陵爲巴東徙龐義爲巴西太守謂之三巴  
長風沙隸池州  
蓋江行地名也

其二

士贇曰宋山谷先生黃魯直云太白集中  
長干行二篇妾髮初覆額真太白作也隱

妾深閨裏李益尚書作也所謂癡婦尚書李十  
郎者也詞意亦清麗可喜亂之太白詩中亦不  
甚遠大儒曾子固刊定亦不能別也太白豪放  
人中鳳凰麒麟譬如生富貴人雖醉着瞋瞋吟  
嚙中作無義語終不作寒乞聲耳今太白詩中  
謬入他人作者略有十之二三欲刪正者當用  
吾言考之今按吟嚙字出列子註  
云夢寐中語也吟吾南切嚙音詰

憶妾深閨裏煙塵不曾識嫁與長干人沙頭候風色

五月南風興思君下巴陵八月西風起想君發揚子



會于岳陽樓前東下鄂渚以趨于揚子揚子縣貞州  
所治舊為揚州永貞縣王贊曰巴陵岳州之治也潯  
江記云羿屠巴蛇於洞庭其骨若陵故謂之巴陵鮑  
照詩九月寒陰合悲風斷君腸圖經揚  
子江在真州揚子縣左與鎮江分界

去來悲如何

見少離別多湘潭幾日到妾夢越風波昨夜狂風度

吹折江頭樹森森暗無邊行人在何處

齊賢曰湘潭縣在潭州南

九十里士贊曰幽潛詩去來何依依楚辭悲莫悲兮  
主別離選詩會少別日多寰宇記湘潭湘鄉湘潭源為  
三湘在今潭州郭璞江賦察之無象尋之無邊好乘  
謝靈運詩搔首訪行人陶不明詩今復在何處

浮雲驄佳期蘭渚東鴛鴦綠蒲上翡翠錦屏中自憐

十五餘顏色桃花紅那作商人婦愁水復愁風

齊賢曰漢



渥洼馬樂章曰爾浮雲曉上馳謝靈運詩美人遊不  
還佳期何由敦曹植詩朝發鸞臺夕宿蘭渚公孫乘  
月賦鴟雞舞於蘭渚古樂府文彩雙鴛鴦說文翡翠亦  
雀翠青雀也古詩今為蕩子婦士贊曰虞世南史略  
北齊盧士深妻崔義林之女有才學春日以桃花洗  
面呪曰取紅花取白雪與兒洗面作光華取雪  
紅花與兒洗面作光華取雪  
白取華紅與兒洗面作顏容

古朗月行

齊賢曰鮑照朗月行曰明月出東山  
士贊曰樂府遺聲時景二十五曲中

有明月篇及明月

子亦曰朗月子

小時不識月呼作白玉盤又疑瑤臺鏡飛在白雲端

齊賢曰應邵漢宮儀曰封禪壇有白玉盤離騷曰望  
瑤臺之偃蹇兮見有娥之佚女吳兢解題曰何當人  
刀頭破鏡飛之天士贊曰陸機詩北徵山人垂兩足



桂樹作團團白兔擣藥成問言誰與參吳剛斫桂樹

每斫輒合士贊曰太平御覽虞喜安論俗傳月中仙人桂樹今視其初生見仙人之足漸已成形桂樹後

生焉傳玄擬天問月中何有白兔擣藥蟾蜍蝕圓影大明夜已殘羿昔

落九鳥天人清且安齊賢曰淮南子曰堯時十日並出堯命羿仰射十日中其九日

日中九鳥皆死士贊曰蟾蜍蝕月見一卷注海賦大明鑊鑿於金樞之穴翔陽駭逸於扶桑之津李善曰

大明月也言月將夕也周易曰縣象著陰精此淪惑明莫大乎日月楊雄羽獵賦人清日晏

去去不足觀齊賢曰春秋感精符曰月者陰之精士贊曰張衡靈憲月者陰精之宗積而成

試象虎考靈曜日月為陰精曹植詩憂來其如何悽去去不復道論語其餘不足觀也已

愴摧心肝齊賢曰顏延年詩悽愴山陽賦士贊曰曹植詩憂來無方人莫我知詩云夜如何其

卷之四 三十一



應場詩剛愴心哀傷歐陽建詩痛酷摧心肝按此詩  
借月以引與日君象月后象蓋為安祿山之叛兆於  
貴妃而作也玄宗自天寶後內嬖貴妃妃復私祿山  
傾動天下祿山叛帝幸蜀至馬嵬陳玄禮等以天下  
計誅國忠國忠死兵不解帝使力士問故谷曰禍本  
尚在不得已與妃訣引去縊祠下此即所謂蟾蜍食  
圓影大明夜已殘也至於羿昔落九鳥天人清且安  
蓋天無二日民無二王之義謂時無能誅祿山之人  
掃清國步也陰精此淪惑去去不足觀者謂貴妃以  
淆亂召禍言之耻也因不足觀矣然天下由此而亂  
乃日之所深憂而心肝為之摧也其忠  
憤之意溢於辭外亦哀而不傷者歟

上之回

士贊曰漢帝元封初因至雍遂通回中  
道後數游幸焉其歌稱帝遊石關望諸  
國月支臣匈奴服蓋誇時事也魏武克官渡言  
曹公破袁紹於官渡也吳曰烏林言周瑜破魏  
武於烏林也晉曰宣輔政言宣帝之業也梁曰



也後周曰平竇泰言太祖討平竇泰也

三十六離宮樓臺與天通閣道步行月美人愁煙空

齊賢曰西都賦離宮別館三十六所上林賦離宮別

館彌山跨谷上贊曰漢郊祀志曰武帝作通天之臺

淮南子曰甬道相連高祖註曰甬道

通閣複道也鮑照詩璇庭納行月恩踈寵不及桃

李傷春風淫樂意何極與向回中齊賢曰書周淫

巡隴西北地出雞頭山回中應劭曰回中在安定

高平孟康曰回中在北史匈奴傳使騎兵入燒回

中宮王贊曰史武帝元封四年通回中道巡之史正

義曰括地志云秦宮中宮在岐州雍縣西四十里七

序情放意蕩淫樂未終史記萬乘出黃道于旗揚彩

爲之金輿總衡以繁其飾

虹前軍細柳北後騎甘泉東齊賢曰天子曰萬乘日

行黃道以人君動法於



目也楚辭建彩虹以招指沈休文詩標峰綵虹外劉  
向思古曰褰虹旗於玉門細柳在長安西北甘泉在  
馮翊雲陽縣史記始皇作信宮渭南自信宮道通驪  
山作甘泉前殿築甬道自咸陽屬之梁簡文上之回  
云前旆拂回中後車隅桂宮上贊曰萬乘見一卷注  
前漢天文志日有中道中道者黃道也日君象故天  
子所行之道亦曰黃道王沈賦曳招搖之修旗若綵  
虹之垂天史匈奴傳孝文時匈奴大入上郡雲中殺  
掠乃置三將軍軍長安西細柳渭北棘門霸上以備  
胡胡騎入代句注邊鋒大通於甘泉長安又候騎至  
甘泉注云正義曰括地志云雲陽也秦之林光宮漢  
之甘泉在雍州雲陽西北八十里秦始皇作甘泉宮  
去長安三百里望見長安豈問滑川老寧邀襄野童  
秦皇帝以來祭天屯兵處

但慕瑤池宴歸來樂未窮

齊賢曰渭川老呂望也望  
鉞于磻溪在今鳳翔郿縣

莊子曰黃帝將見大隗于具茨山至襄城之野七聖  
之丘



焉里乃嘆曰予一人不盈于德而諧于樂後世其追  
歎吾過乎穆王幾神人哉此窮終身之樂猶百年乃  
殂世以為登遐焉士贊曰此詩言秦皇漢武之幸河  
中者不過弱志於神仙之事而已豈知求  
賢哉時明皇亦好神仙其諷諫之作歟

### 獨不見

士贊曰樂府遺聲怨思  
三十五曲中有獨不見

### 白馬誰家子黃龍邊塞兒

齊賢曰曹子建詩曰白馬  
飾金羈連翩西北馳借問

誰家子幽并游俠兒契丹有黃龍府士贊曰唐書傳  
至韋契丹別種東胡之北焉丁零之苗裔也地據黃  
龍其傍源進河直京師東北七千里東黑水靺鞨西  
突厥南契丹北瀕海又地理志契丹州十七府一注  
曰唐萬歲通天元年以乙室活部  
落置信州僑治范陽境縣屬黃龍  
天山三丈雪豈是  
遠行時

齊賢曰漢西域傳天山冬夏常有雪士贊曰  
史匈奴傳擊右賢王於天山王義曰在伊州



西河舊事曰白山郎天山祈遠恐非也唐兵志唐初  
兵之戈邊者大曰軍小曰守捉曰城曰鎮而總之者  
曰道關內道赤水大斗白亭二道盧墨離建康寧寇玉  
門伊吾天山軍十烏城等守捉十四此自武德至天  
寶以前邊防之制其軍城鎮守捉皆有使而春蕙忽  
道有大將一人曰大總管已而更曰大都督

秋草莎雞鳴西池風摧寒櫻響月入霜閨悲

齊賢曰詩六月

莎雞振羽陳翥曰即今紡緯促織也其鳴聲切類紡  
緯或謂紡緯青如促織而夫則促織紡緯不同也謝

惠連詩膏月皓中閨士贊曰選  
古詩陽彼蘭蕙花將隨秋草萎憶與君別年種桃齊

蛾眉挑今百餘尺花落成枯枝終然獨不見流淚空

自知

齊賢曰詩螭首蛾眉詩終然永滅士贊曰晉書  
桓溫自江陵北伐行經金城見少爲琅琊時所

種柳皆已十圍慨然曰木猶如此人何以堪太倉亦



以虛謚為謝朓詩故心人不見

白紵辭

王贊曰白紵歌有白紵舞白紵歌有白

鄉水國自多鳥鶯故興其所見以寓意焉始則田野之作後乃大樂氏用焉其音入清商調故清商七曲有子夜者即白紵也在吳歌為白紵在雅歌為子夜梁武令沈約更制其辭焉古辭云白紵白質如輕雲色似銀制以為袍餘作巾袍以光軀巾拂塵右白紵與子夜一曲也在吳為紵在晉為子夜歌故梁武本白紵而為子夜四時歌後之為此歌者曰白紵則一曲曰子夜則四曲今取白紵於白紵取四時歌於子夜其實一也

揚清歌發皓齒北方佳人東鄰子且吟白紵停綠水

長袖拂面為君起

齊賢曰曹子建詩誰為發皓齒李延年歌曰北方有佳人宋玉登徒



子好色賦序曰天下之佳人莫如楚國楚國之麗者莫如臣里臣里之美者莫如臣東家之子晉排歌曰皎皎白緒節節為雙唐禮樂志曰白紵吳舞淮南子曰手會綠水之趨高誘曰綠水古詩西京賦奮長袖之颯纚蜀都賦紆長袖而屢舞士贊曰陸機詩淇崖楊清歌呂氏春秋韓子曰長袖善舞古白紵辭皆此句法恐寒雲夜捲霜海空胡風吹天飄寒鴻玉顏滿

堂樂未終館娃日落歌吹濛

齊賢曰陸士衡樂府王顏倅瓊髮方言曰吳有

館娃宮謝元暉詩甬遠館娃宮士贊曰顏延年集胡風南埃古詩燕過多佳人美者顏如玉宋玉神女賦苞溫潤之玉顏楚辭滿堂兮美人阮藉詩娛樂未終極白日忽蹉跎郡縣志靈巖山在平江府城西二十四里吳王之別苑在焉有館娃宮琴臺響屧廊西施洞太白此詞全篇句意間架並是擬鮑明遠名今錄鮑辭于后可參看之朱唇動素袖舉洛陽少年邯鄲



杜少陵所謂俊逸鮑參軍者其此之謂歟

# 其二

月寒江清夜沉沉美人一笑千黃金

齊賢曰鮑照白紵曲曰千金顧

笑買芳年士贇曰鮑照白紵辭絃悲管清月將入東漢崔駰傳回眸百萬一夫千金

垂羅舞縠

楊哀音郢中白雪且莫吟

齊賢曰七啓曰被輕縠之纖羅士贇曰鮑照詩月幌

垂霧羅詩大序亡國之音哀以思陸機詩曰淑子夜貌色斯升哀音承韻作陽春白雪事見二卷註

吳歌動君心動君心冀君賞願作天池雙鴛鴦一朝

飛去青雲上

齊賢曰晉志子夜造此歌莊子南溟者天池謝靈運詩託身青雲上士贇曰子

夜吳歌見題注樂記樂者心之動也史范晔傳須賈曰不意君能自致於青雲之上

李詩補注

卷四

七



其三

吳刀剪綵縫舞衣明妝麗服奪春暉揚眉轉袖若雪

飛傾城獨立世所稀

齊賢曰古今註吳大帝有寶刀三一日百鍊二曰青犢三曰漏

影長安有狹邪曰麗服鮮芳春短歌曰蘋以春暉王贊曰鮑照白紵舞歌辭吳刀楚製為佩褱列子拭昔楊眉而望之傾城獨立見前註激楚結風醉忘歸高堂月落燭已微

玉釵掛纓君莫違

齊賢曰枚乘上發激楚之結風上林賦激楚結風七命曰激楚迴流

風結飛燕外傳趙后手抽紫玉九鸞釵為趙昭儀簪豎士贊曰楚詞宮庭震驚發激楚王逸註曰激楚清聲也成公綏補賦收激楚之哀荒節北里之奢淫鮑照白紵辭車高馬煩客忘歸陸機詩置酒高堂悲歌臨觴按此三篇句意字面皆與明遠者相出入豈此



鳴鴈行 二十一 曲平有鳴鴈行

胡鴈鳴辭燕山昨發委羽朝度關

齊賢曰後漢書燕然山去塞三千餘

里淮南子曰燭龍在鴈門北蔽于委羽之山不見日

鴈門關在代州鴈門縣鴈門鄉士贊曰謝靈運詩噉

噉雲中鴈舉翮自委羽淮南子曰北方曰積水曰委

羽高誘曰委羽山名也在北極之陰不見日也漢書

鴈門郡有樓煩縣邊塞故一一街蘆枝南飛散落天

日關江淹詩乃至鴈門關

地間連行接翼往復還

齊賢曰淮南子曰鴈銜蘆而翔以避矰繳蜀都賦候鴈銜

蘆劉淵林註曰銜蘆以禦矰繳令不得截其翼士贊

曰說文岱山高峻鳥飛不越惟有一缺門鴈來往向

此缺中過人號曰鴈門山出鴈鴈過鴈多捉而食之

鴈欲過皆相待兩兩相隨口中銜蘆一枝然後過缺

中鴈見蘆懼之不敢捉古詩

街蘆過岱嶺自望鴛鴦洲

客居煙波寄湘吳凌霜



觸雪毛體枯畏逢矰繳驚相呼聞弦虛墜良可吁君

更彈射何為乎

齊賢曰周禮矰矢也鄭康成曰結繳於矢謂之矰矰高也說文曰繳生絲

縷也之若反兩都賦矰繳相纏應德璉曰胡鴈鳴雲

中音響一何哀問子遊何鄉戢翼正徘徊言我塞門

來將就衡陽棲往春翔北上今冬客南淮遠行蒙霜

雪毛羽日摧頽戰國策有鴈從南方來更羸虛發而

鴈下桂陽郡有白鶴降于城樓上或彈之鶴以爪攫

板成書曰城郭是人民非三百甲子一來歸吾是蘇

公君彈何為王贊曰戰國策更羸與魏王處於廡下

有鴈雙飛東方更羸虛發而鴈下魏王曰射可至此

乎更羸曰其飛徐其鳴悲徐其瘡痛也鳴悲者久失

群也故痛未息驚心未去故聞弦意而下崔豹古今

註鴈自河北渡江南瘦瘠能高飛不畏矰繳江南沃

饒每至還河北體肥不能高飛恐為虞人所獲常銜

長蘆可數寸以防矰繳矰音曾繳音酌周禮舞得春

夏深中彈寸飛鳥安上詩其太白遭難避禍而作觀



可哀矣

妾薄命

士贊曰樂府佳麗四十七曲中有妾薄命亦曰惟日月曹植有妾薄命篇其事

出於漢書許后傳曰柰何妾薄命端遇竟寧前今太白則為漢武廢后陳皇后而作未章詩句

則有所感寓也

漢帝寵阿嬌貯之黃金屋咳唾落九天隨風生珠玉

齊賢曰王逸註天問曰東方暉天東南陽天南方赤

天西南朱天西方成天西北幽天北方玄天東北變

天中央鈞天士贊曰阿嬌陳皇后小名事見前註後

漢趙壹歌曰勢家多怨官咳唾自成珠被褐懷金玉

蘭蕙化

為菊

寵極愛還歇如深情却踈長門一步地不肯

暫迴車

士贊曰漢陳皇后傳后擅寵嬌貴聞衛子夫得幸幾死者數人焉後罷退歸長門宮長門賦



奉虛令以望誠兮期城南之離宮脩薄具以自設兮  
君曾不肯乎幸臨雷隱隱而響起兮聲象君之車音

雨落不上天水覆難再收君情與妾意各自東西流

齊賢曰後漢何苗謂兄進曰覆水不收宜深思之

贊曰陳琳檄吳將校曰雨絕于天王祭詩曰一別如

雨濟曰如雨之降不還雲中也鮑照詩寫水置平地

各自東西南北流人生亦有命安能行囊復坐愁

昔日芙蓉花今成斷根草以色事他人能得幾時好

齊賢曰王逸註楚辭芙蓉蓮華也說苑曰安陵纏寵

於楚共王江乙謂纏曰以財事人者財盡則交絕以

色事人者華落則愛衰子安得長被幸乎王贊曰陶

潛詩曰昔為三春藻今作秋蓮房意出於此特易其

字耳漢書李夫人曰我以容不貌之好得幸於上夫以

色事人者色衰而愛弛愛弛則恩絕毛詩他人是愉

陶潛詩豈無一時好不久當如何太白之詩其旨言



迹前後一轍雖各以無子巫蠱厭勝廢然究其所原  
實衛子夫武惠妃爭寵有以激之也陳后之廢相如  
作長門賦王后之廢王諱作翠羽帳賦冀以諷帝而  
夫婦之天卒莫能回太白此詩其作於翠羽帳賦之  
後乎不然何以有雨落不上天冰覆難再收君情與  
妾意各自東西流之語哉  
辭意悽斷讀之令人感嘆

### 幽州胡馬客歌

幽州胡馬客綠眼虎皮冠

齊賢曰尚書流共工於幽州九域志幽州九域志幽

州大都督范陽盧龍兩城節度士贊曰唐書地理志幽州范陽郡本涿郡天寶元年更名

笑拂兩

隻箭萬人不可干彎弓若轉月白鴈落雲端雙雙掉

鞭行遊獵向樓蘭

齊賢曰樓蘭國後改為鄯善治杆泥城去長安六千一百里士贊曰



蜀志張飛雄壯威猛萬人之敵也史匈奴傳士能彎弓盡為甲騎謝元暉詩雲端楚山見漢書鄯善國名樓蘭去長安六千一百里出門不顧後報國死何難天驕五單于

狼戾好充殘

齊賢曰匈奴傳單于遺漢書曰胡者天之驕子神爵中呼韓邪單于使人告右

賢貴人令殺右賢王都隆奇因與右賢王共立日逐王為屠耆單于發兵擊呼韓邪呼韓邪敗走屠耆信讒殺右賢王父子於是呼揭王恐畔去自立為呼揭單于右奧鞬王聞之自立為車犁單于烏籍都亦自立為烏籍單于凡五單于士贊曰古詩遊子不顧返史太史公曰非死者難言處死者難也天驕見二卷註漢宣帝紀三年詔匈奴分為五單于更相攻擊書取彼凶殘歐陽堅石詩念昔構凶殘牛馬散北海割鮮若虎餐齊賢曰漢書匈奴徙蘇武北海鮮酌清醑子虛賦割鮮染輪士贊曰漢匈奴傳匈奴



海上正義曰北海即上海也割鮮見一卷註

支山不道朔雪寒婦女馬上笑顏如赧玉盤齊賢曰

軍將萬騎出隴西過焉支山千餘里藝文類聚曰漢

明帝宴群臣大宮建櫻桃以赤瑛盤賜群臣月下視

之盤與桃同色群臣皆笑是空盤王贊曰燕支山是

契丹之境按唐書地理志契丹州十七府一註云威

州本遼州武德二年以內稽部落置初治燕支城史

記正義曰焉音煙括地志云焉支山一名刪丹山在

丹州刪丹縣東南五十里西河故事云祈連燕支二

山在張掖酒泉二界上東西二百餘里北百里有松

節五木美水草冬溫夏涼宜畜牧養匈奴失二山乃

歌曰亡我所連山使我六畜不蕃息失我燕支山使

我婦女無顏色古詩燕齊賢曰翻飛射鳥獸花月醉雕鞍

趙多佳人美者顏如玉賢翻飛射鳥獸花月醉雕鞍

日詩翻齊賢曰旄頭四光芒爭戰若蜂攢齊賢曰天官書旄

飛維鳥齊賢曰旄頭四光芒爭戰若蜂攢齊賢曰天官書旄

旄頭四光芒爭戰若蜂攢齊賢曰天官書旄



蜂之聚叢也士贊曰史天官書昴曰旄頭胡星也正  
義曰昴一星為旄頭胡星六星明與大星等大水且  
至其兵大起動搖若跳躍者胡兵大起一星不  
見皆憂兵之象也選任彥昇集序曰昴宿垂芒

白刃

灑赤血流沙為之丹名將古誰是疲兵良可嘆

齊賢曰尚

書餘波入于流沙班固曰張掖居延澤乃古流沙魏  
大武分四道出西域一自玉門流沙西行至鄯善一  
自玉門度流沙北行至車師自鄯善西至且末七百  
里而遙且末國有大流沙數百里則流沙非一地矣  
士贊曰揚子或問名將曰輿尸血刃皆所不為也隋  
宇文歆嘗謂所親曰自古名將惟韓曰衛霍為美談  
徐敬業詩數奇良可嘆  
陸機詩春遊良可嘆  
曰甘氏星經口狼一星芒角動憂兵起色青黑赤兵  
起楚詞舉長矢兮射天矢士贊曰史天官書參東有  
大星曰狼狼角變色多盜賊下有四星曰弧直狼正



在食色黃曰而明吉赤角兵起金木火災亦如之弧  
九星在狼東南天之弓也以伐叛懷遠又王離賊之  
知姦邪者弧矢何狼動移多盜明人變色亦如之矢  
下直狼又多盜引滿則天下盡兵也楚辭天地四方  
多賊姦此三像設  
君室靜闇安些

規補註李太白詩卷之四



















